



**Kalaallit Nunaanni uuliasiorluni / gassisiorluni
ingerlatassat pillugit Inatsisartunut nassuiaat**

23. maj 2020

**Kalaallit Nunaanni uuliasiorluni / gassisiorluni ingerlatassat pillugit Inatsisartunut nassuiaat –
23. juni 2020**

Namminersorlutik Oqartussat

Imai

Siulequtsiussaq	4
Ikummatissiassanut killiffik.....	5
Ikummatissiassanut akuersissutinik utertitsinerit aammalu ingerlatsivigineqartut	7
Matu-ammaassisumi-suleriaaseq aamma neqeroortitsineq	7
Qinnuteqaatit nutaat.....	8
Misissuinermi ingerlatat.....	8
Periusissiaq	8
Nittarsaassineq.....	9
Qarasaasiami paasissutissaasiviit aamma internetsikkut paasissutissanik nalunaarsukkanik paasissutissiisarneq	9
Avatangiisit	10
Nakkutilliineq.....	10

Siulequtsiussaq

2018/2019-imi Kalaallit Nunaanni uuliasiorluni gassisiorluni misissuinerup iluani ineriartorneq, ukiut arlallit akuersissutit utertinneqartarlutik kinguariartoreernerup kingorna, ilaatigut kisermaassisussaataalluni akuersissutinik qinnuteqaatit pingasut nutaat tiguneqarneranni, aalajaalliseqqinneqarpoq.

Immikkut erseqqissarneqarsinnaavoq, misissuinerup ingerlatseqatigiiffik ataaseq Tunumi Jameson Land-imi nunami misissuilluni qillerinernik sisamat tikillugit akuerineqarnissaminut sulissuteqarnermik aallartitsisimasoq. Taamaattoqassappat, Cairn Energy-p 2010/11-imi qillerinermik ingerlatserernerata kingorna Kalaallit Nunaanni qillerinermut pilersaarummik tamakkiisumik aatsaat siullermeertumik ingerlatsisoqassaaq.

2018-ip ingerlanerani uuliasiornermut/gassisiornermut suliasaqarfimmut periusissiap nutaap piffissamut 2020-2024-imut atuuttussap suliarineqarnera aallartippoq. Uuliasiornermut periusissiap nutaap 2020-imi januaarimi Naalackersuisunit akuerineqarpoq. Siunertaasoq tassaavoq Kalaallit Nunaat ikummatissanik – kulbrintinik ujarlerfigissallugu soqutiginarnerulersinneqassasoq. Nunap sananeqaataanik – geologianik – aallussineq pineqarpoq, tamatumani aamma ilanngullugu Kalaallit Nunaanni isumalluutitik naliliinerup suliniut annertooq, GEUS aamma Nunaoil A/S suleqatigalugit ingerlanneqartoq, kiisalu pisortanut akiliutissanut - "*Government take*"- periaasissiap nutaap aammalu unammillersinnaassuseqarnerusoq. Taakkua soqutiginnilersitsiniarluni ussassaarinernik nutaanik malitseqartinneqassapput. Periusissiap aammattaaq piffissami periusissiap atuuffissaani pisinnaatitsissuteqarfissanik ammaanissamut pilersaarummik ersarissumik imaqarpoq.

Steen Lynge

Nunanut Allanut Nukissiuuteqarnermullu Naalackersuisoq

Ikummatissiassanut killiffik


23. juni 2020 ikummatissiassanut misissueqqaarnissamut akuersissutit ingerlatsivigineqartut arfineq marluupput aammalu ikummatissiassanut misissuinissamut akuersissutit ingerlatsivigineqartut sisamaallutik.

Ikummatissiassanut misissueqqaarnissamut akuersissut:

Ikummatissiassanut misissueqqaarnissamut akuersissutit tassaavoq sumiiffiup annertunerusup iluani misissuinissamut akuersissut. Akuersissutit taamaattut pisinnaatitsissummik pigisaqartup aallarniutaasumik, annikitsumik annertussusilimmik alapernaarsuilluni misissuinernik suliaqarnissamik kissaateqarluni pisoqartillugu, atorneqarnerusarput. Misissueqqaarnerit taakkua sumiiffimmi pineqartuni misissuinerpiamik aallartitsinissamut tunngavissaqarnerisooq paasinarsisinniarlugu ingerlanneqartarput. Misissueqqaarnissamut akuersissutit kisermaassisussaataatitsisanngilaq. Pisinnaatitsissummik pigisaqartoq umiarsuarnik, angallatinik, atortunik il.il. atuilluni misissuinerimi ingerlatassanik suliaqarnissamik kissaateqaruni, ingerlatassanut ataasiakkaanut tamaginnut akuersissuteqarnissaq qinnuteqaatigineqassaaq.

Ikummatissiassanut misissuinissamut akuersissut:

Ikummatissiassanut misissuinissamut akuersissutit kisermaassisussaataatitsisarput aammalu ukiut 10-it angullugit imaluunniit pisuni immikkut ittuni ukiut 16-it angullugit misissuinissaq piffissalerlugu tunniunneqartarlutik. Piffissaq misissuiffiusussa qiffissat ilaannut pingasunut nalinginnaasumik agguarneqartarpoq. Piffissap ilaa naatinnagu pisinnaatitsissummik pigisaqartoq piffissami aggersumi suliaqarnermut pisussanut pilersaarummik ingerlatsinissamut, imaluunniit akuersissutit utertinnissaanut pisussaaffeqalertussaavoq. Suliaqarnermut pisussanut pilersaarummiipput misissuinerimi ingerlatassat aningaasartuuteqarfiusussat assigiinngitsunik iluseqartut. Piffissat ilaannut ataasiakkaanut tamaginnut suliaqarnermi pisussanut pilersaarummi piumasaqaatit annertusiartortinneqassapput.




Ilusiliaq 1 Ikummatissiassanut akuersissutit¹

¹ 2018-imi aamma 2019-imi inernerit imaraat ikummatissanut misissuinissamut akuersissutit ingerlasut, akuersissutaanngitsulli utertsinneqarniartut. Ukiut siuliinut takussutissami ikummatissanut misissuinissamut akuersissutit ingerlasut aammalu akuersissutit utertinneqarniartut imaraat.

Uuliasiorluni misissuinerlut aningaasartuutit

Ukiut tamaasa uuliasiorfiutiqatigiiffiit Kalaallit Nunaanni uuliasiorluni misissuinerlut aningaasartuutit tamarmiusut nalunaarutigisarpaat. 2018-imi aningaasartuutit tamarmiusut 79 mio. DKK-nik aningaasartaqarput. 2019-imit misissuinerlut aningaasartuutit tamarmiusut aatsaat 2020-ip ingerlanerani naatsorsorneqarsinnaalissapput.

Kalaallit Nunaanni uuliasiornerlut suliassaqarfimmi misissuinerlut aningaasaliinerit



Ikummatissiasanut akuersissutinik utertitsinerit aammalu ingerlatsivigineqartut

2018-ip naanerani Tunup Avannaarsuani sinerissap avataani misissuinessamut akuersissutinut tallimanut piffissap ilaa siulleq naavoq. Akuersinerit sioqqullugit tunuarnissamut piffissap iluani naammassinerup kingorna qinnuteqaatigineqarpoq.

2018-ip aamma 2019-ip ingerlaneranni Kalaallit Nunaanni misissueqqaarnissamut akuersissutit nutaat tallimat Naalakkersuisunit tunniunneqarput.

Matu-ammaassisumi-suleriaaseq aamma neqeroortitsineq

Ikummatissiasanut akuersissut ilaatigut neqeroortitsineq imaluunniit matu-ammaassisumi-suleriaaseq tunngavigalugu tunniunneqarsinnaavoq.

Neqeroortitsineq:

Neqeroortitsinerimi sumiiffiup blokkit nassuiarneqartut arlallit neqeroortitsivigineqartarput. Ingerlatseqatigiiffiit blokkinut taakkunanga ataatsimik arlalinnilluunniit tunineqarnissaq

qinnuteqaatigisinnaavaat. Qinnuteqarnissamut killiliussap naareernerani qinnuteqaatit tiguneqartut ataatsikkut nalilersorneqartarput.

Matu-ammaassisumi-suleriaaseq

Matu-ammaassisumi-suleriaatsimi sumiiffik aalajangersimasooq ingerlaavartumik qinnuteqarfigineqarnissamut ammaanqassasooq aalajangersaasoqartarpoq. Ingerlatseqatigiiffiit nalinginnaasumik sumiiffiup qinnuteqarfissatut kissaatigisamik annertussusissaa nassuiarsinnaasarpaat.

2018-imi sumiiffik Ikersuaq Davis neqeroortitsivigineqartussatut neqeroortigineqarpoq.

2020-imi februaarimi nunami Qeqertarsuaq Nuussuaq Matu-ammaassisoqarfinnut maleruagassat naapertorlugit neqeroortitsivigineqarpoq.

Qinnuteqaatit nutaat

2018/2019 ingerlaneranni Naalakkersuisunit misissuinissamut akuersissutinut nutaat tallimat nalunaarutigineqarput.

2018/2019 ingerlaneranni misissuinissamut qalluinissamullu akuersissutit nutaat marluk atulersinneqarput

Misissuinermi ingerlatat

2018/2019-imi akuersissutit akuerineqartut naapertorlugit Kalaallit Nunaanni ujarassiornikkut imaluunniit geofysiskimik misissuinermi ingerlataqarnernik suliaqartoqanngilaq. Kisianni misissuinermit ingerlatseqatigiiffik ataaseq, nunami misissuinermit pisussanut pilersaarumminik akuersissuteqarfigineqarnissamut piareersaalluni suliaqarluni aallartippoq, taanna Tunumi Jameson Land-imi misissuilluni qillerinerit sisamat tikillugit tunngassuteqarsinnaalluni. (tak. figuri 1).

Periusissiaq

Uuliasornermut / gas-imik ujarlernermit periusissiaq atuuttoq 2018-ip naanerani atorunnaarmat, aallartinneqarpoq periusissiasamik nutaamik piffissamut 2020-2024-imut suliaqarneq 2018-ip naanerani. Periusissiaq Naalakkersuisunit januar 2020-imi akuersissutigineqarpoq.

Uuliasioritseqatigiiffiit annerit amerlasuut Kalaallit Nunaanniit tunuarsimammata ukiuni kingulliunerusuni, periusissiami immikkut aallunneqalerpoq uuliasioritseqatigiiffinnik minnerusunik nunami ujarlernermit soqutiginnilersitsiniarneq, imaani ujarlernermit sanilliullugu ujarlernermit aningaasartuutit annikinnerusarmata. Kisiannili aamma Kalaallit Nunaata kitaata imertaani periarfissat aamma aallunneqassapput.

Periusissiaq iliuusissanik marlunnik imaqarpoq Kalaallit Nunaanni soqutiginarnerulersitsiniartussanik ikummatissanik iluaquteqarfissatut. Ilaatigut nunap sananeqaataanut paasissutissat nutaat, ujarlernermi nalorninaatinik annikinnerulersitsisussat, kiisalu aamma pisortanut akiliutissanut "Government take" aaqqissuussineq ilusiliaq nutaaq, aalajangiisuusoq Kalaallit Nunaata uuliasioritseqatigiiffinnit

soqutigineqarnerata pilerseqqinnissaanut. Suliniutit taakkua soqutiginnilersitsiniliarluni ussassaarinermik nutaamik siunnerfilersukkamik ingerlatseqatigiiffinnut aningaasalersuisuusinnaasunullu malitseqartinneqassaaq.

Nittarsaassineq

2018-imi ulloq 18. marts London-imi Ikersuaq Davis-imut neqeroortitsinissap nittarsaanneqarneranut Kalaallit Nunaat ulloqartillugu ingerlatsisoqarpoq.

2019-imi ilaatigut Houston-imi (18.-21. februar), London-imi (18.-20. marts), San Antonio-mi (19.-22. maj), Calgary-mi (10.-12. juni), Buenos Aires-imi (27.-30. august) kiisalu Wien-imi aamma Oslo/Stavanger-imi (25.-28. november) nittarsaassilluni ingerlatassanik ingerlatsisoqarpoq.

Aammattaaq oqaatigineqarsinnaavoq Houston-imi ulloq 5. februar 2020 uuliasiorfiutileqatigiiffinnut Kalaallit Nunaata ullua ingerlanneqarmat, taanna Naalakkersuisut Siulittaasuanit, Kim Kielsen-imit, ammarneqarluni. Ulloq 10. februar aammattaaq London-imi uuliasiorfiutileqatigiiffinnut Kalaallit Nunaata ullua ingerlanneqarpoq.

Ilisimatusarneq, suliasat aamma misissuinerit

Isumalluutininik naliliinermut suliniut

Suliniut sumiiffiit sorliit misissuinissamut periarfissaqarfiunerpaanersut paasinissaat. Suliniut suliffissuarnut annertuumik iluaqutaassaaq, tassani tamanna sumiiffimmut annertoorujussuarmut Kalaallit Nunaanniittumut misissoqqissaarneqartumut paasisimaarinnilernissamut iluaqutaasussaammat.

Paasissutissat nalunaarsukkat aammalu paasisat, naliliiffigineqartut ataasiakkaat naammassineqartarneri ilutigalugu uuliasiorfiutileqatigiiffinnut gassisiorfiutileqatigiiffinnullu pissarsiariuminarsitinneqartassapput. Suliniut Kalaallit Nunaat naliliiffigineqartussanut 7-inut aggulunneqarpoq. Sumiiffik siulleq, Ikersuaq Davis aamma Labradorip imartaa, naammassereerpoq, aammalu sumiiffiup aappaa, Baffinip Kangerliumarnga, 2020-imi aasalernerata ingerlanerani naammassissaaq.

Suliniut 2018-imi aallartinneqarpoq aammalu 2022-imi naammassissasoq naatsorsuutigineqarluni, tamannalu Naalakkersuisut, Nunaoil A/S aamma GEUS-ip akornanni suleqatigiissutigineqarpoq.

Qarasaasiami paasissutissaasiviit aamma internetsikkut paasissutissanik nalunaarsukkanik paasissutissiisarneq

Misissuinerimi aningaasaliiumalersitsiniarnermut pingaarnepaat ilaat tassaavoq, ujarassiornermut ilisimatusarnikkut paasissutissanik nalunaarsukkanik pitsaassuseqarluartunik akeqanngitsumik atugassiineq.

Ikummatissiassanut qarasaasiami paasissutissaasivik - GNPDR

Kalaallit Nunaanni nunami namminermit ikummatissiassanut qarasaasiami paasissutissaasivik 2015-imi juunimi atulersinneqarpoq. Qarasaasiami paasissutissaasivimmi nalunaarsortikkaanni, atuisoq ikummatissiassanut tunggassutilinnut paasissutissanut nalunaarsukkanut Kalaallit Nunaanni katersorneqarsimasunut takussutissiamut isersinnaalissaaq. Qarasaasiami paasissutissaasivimmik pilersitsinermit paasissutissat nalunaarsukkat Kalaallit Nunaanni katersorneqarsimasut takulertoruminarnerulerput pissarsiariuminarnerulerlutillu.

Tamanut ammasumik neqeroortitsineq tunggavigalugu ulloq 12. marts 2020 Osokey Limited-imut Kalaallit Nunaanni nunami namminermit ikummatissiassanut qarasaasiami paasissutissaasivimmut aaqqiissutissamik nutaamik pilersuinissaaq pillugu isumaqatigiissuteqarpoq. Aaqqiissutissap nutaap taassuma kingunerisaanik ilaatigut maannakkut uuliasiorfiutileqatigiiffiit soqutiginnittut ajornannginnerusumik akikinnerusumillu paasissutissanik nalunaarsukkanik pissarsisinnaalerput, ilanngullugit sajuppillatsitsisarnernit paasissutissat nalunaarsukkat aamma qillerinernit paasissutissat nalunaarsukkat.

Avatangiisit

Aatsitassanik aqutsinermit ilaasoq pingaaruteqartoq tassaavoq, ingerlataqarnerit avatangiisinut isumannaatsumik ingerlanneqarnissaat, aammalu tamatumunnga periaatsinik ilisimasanillu nutaanik ingerlaavartumik ineriartortitsinissamik qulakkeerinissaaq.

Ingerlatassat aalajangersimasut avatangiisinut annertuumik sunniuteqartussaasut ilimagineqartariaqarpoq. Taakkua aatsaat avatangiisinut sunniutaasussanik nalilersuineq (VVM) ingerlanneqareerpat, aammalu tamatumunnga nassuiaat (VVM-imut nassuiaat) akuerineqareerpat, aatsaat akuerineqarsinnaalissapput. Tamatumani ilaatigut ilaatinneqarsinnaapput imaani uuliasiorluni gassisiorlunilu misissueqqaarnerit.

Aatsitassanik Suliassaqarfinnut Avatangiisinut Aqutsisoqarfik (Avatangiisinut Aqutsisoqarfik) aatsitassanut suliassaqarfimmi pinngortitamut, avatangiisinut aamma silap pissusaanut tunngasunik isumaginnittuuvoq. Avatangiisinut Aqutsisoqarfiup nalilersuinerminut aalajangiinerminullu Pinngortitaleriffimmit aamma Aarhus Universitet-imi Nationalt Center for Miljø og Energi (Siunnersortit) ilisimatussutsikkut siunnersuineq aallaavigisarpaa. Siunnersortit ingerlatassanik alapernaarsuinermit, ilisimasanik inerisaanermut kiisalu maleruagassanik malittarisassanillu inerisaanermut atatillugu Avatangiisinut Aqutsisoqarfik sullillugu avatangiisinik misissuisarput.

Uuliasiorfiutileqatigiiffiit uuliasiorluni/gassisiorluni ingerlatassanut tunngatillugu avatangiisinik misissuinermit ikuunnissamik pissusaaffeqarput.

Nakkutilliineq

Ingerlatseqatigiiffiit ikummatissiassanik misissuinermit imaluunniit qalluinermit ingerlataqartut nakkutilliivigineqartussaapput. Nakkutilliinermit misissuinerup qalluinerullu atugassarititaasut piunasaqaatillu, akuersissutini aamma akuersissuteqarnerni piunasaqaatigineqartut naapertorlugit pinerata qulakkeernissaa pingaartumik aallunneqartarpoq. Tassani ilaatigut ingerlataqarnerit isumannaallisaanikkut isumannaatsumik ingerlanneqarnissaat ilaavoq. Nakkutilliinerup nalaani pissutsit inatsisinut, akuersissutinut imaluunniit akuersissuteqarnernut attuumassuteqarnernut unioqqutitsisut

paasineqarpat, nakkutilliisut peqqusissuteqarsinnaapput. Peqqusissuteqarnermut aammalu tamatumingga iluarsiinissamut piffissamut, unioqqutitsinerup annertussusaa, kiisalu unioqqutitsinermut sunniutaasussat malittaasinnaasut, apeqqutaassapput.

Nakkutilliinerup akuttussusaanut ingerlatassat annertussusaat apeqqutaasarpoq aammalu misissuilluni ingerlataqarnerit angissusaat annertussusaallu ataasiakkaatigut naliliiffigalugu ingerlanneqarajulluni.

2018/2019-imi uuliasiornermut/gassisiornermut suliassaqarfimmi ingerlataqarnerit annertussusaat aallaavigalugu, nakkutilliinermik ingerlatsisoqarsimanngilaq.